

**DEFENSIO VETERUM
PHILOSOPHORUM
ADUERSUS EOS QUI
METHODUM
MATHEMATICAM...**

Johann August Ernesti, Valenti
Gonzaga





x quo tempore bonarum literarum facta est instauratio, depulsisque superioris barbariei tenebris, noua quaedam elegantiae lux ingeniis hominum affulsit, ut, quid in quoque genere rectum esset, subtile, acutum, elegans, judicare possent, semper hanc penitus insitam doctis hominibus opinionem fuisse reperio, ut perfectissimum subtilitatis elegantiaeque exemplar a graecis latinisque scriptoribus petendum existimarent. Itaque si quis hoc erat animo, ut facultatem de singulis rebus subtiliter et via quadam ac ratione differendi comparandam sibi putaret; omne studium suum ad eorum libros assidue legendos conferebat. Sed ut omnium rerum, ita etiam opinionum quaedam est vicissitudo: propterea, quod hoc est ingenii humani vitium, ut insito quodam nouitatis studio, id antiquis, quamuis recta sint, fastidiat, et nouis, etiamsi nullam aliam, nisi nouitatis, commendationem habeant, tamen celerime adhaerescat. Nihil attinet, in re manifesta, multis et ab instituta disputatione alienis exemplis uti. Quod enim aliud est illustrius eo, quod haec nostra; feracissima nouarum opinionum, aetas tulit, maxime proprium illud causae disputationique nostrae; cum, exorto vno aliquo, qui eam rationem, qua soli antea mathematici vti essent, ad philosophiam transferendam praeciperet, et a se primum traductam diceret, magnus repente numerus eorum exiit, qui non modo nouam illam de philosophia differendi rationem vno omnes ore celebrarent, et eius legibus omnes diuinas humanasque disciplinas, indignantes quamuis reluctantisque, adstringere instituerent, sed etiam hoc in sermonibus saepe scriptisque iactarent, veteres graecos latinosque philosophos, rationem eam, per quam vnam viam ad veram rerum certamque scientiam pateret, aut ignorasse, aut neglexisse.

glexisse. Scio sane, hoc aliquem de magno quodam viro scripsisse, cum, etsi res ipsas non male explicarit, tamen in eo maxime reprehendendum esse, quod nihil via ac ratione tradiderit: Eius adeo rei causam hanc esse, quod illam disciplinam, quam ab eo explicatam haberemus, e veteribus hausisset, qui veras methodi leges ignorassent. Quid prius conqueramur? Ipsarumne elegantiorum literarum fortunam, quae, istis iactandis et in animos adolescentum spargendis, in contemptum paullatim adducuntur? an vero veterum philosophorum iniuriam, qui, cum omnes recte concludendi differendique vias et aperuerint primi, et munierint soli, idque in rebus omnibus explicandis et diligenter egerint, et, omnium aetatum seculorumque iudicio, consecuti sint, vt subtilitatem et modum quandam adhiberent, nunc subito de vetere gloriae possessione deiiciuntur? Age vero, repellamus istam ab iis, quantum in nobis est, iniuriam, et in suis ipsos sedibus, iustis vindictis, reponamus.

Ignorauerunt ergo veteres philosophi, atque, vt aliquos nominem, ignorauerunt Plato, Aristoteles et Cicero bonae methodi leges, neque iis in scribendo obtemperarunt. Quomodo hoc dicitur? An sic, vt, neque, quomodo obscura definienda, ambigua distinguenda, genera in formas diuidenda, quomodo concludendum, denique sit, cognitum habuerint, neque, quid priori, quid posteriori loco dicendum, viderint, vllamue ordinis, in differendo, aut notionem tenuerint, aut rationem habuerint? Non opinor, quemquam fore, qui hoc dicere, et tantae se impudentiae crimine obstringere audeat; cum illa quidem ab iis inuenta et nobis tradita teneamus, hoc autem, vt a perspicuis et concessis profecta disputatio ad obscura et demonstrationis indiga, perueniret, et ipsi praeceperint, et diligenter seruari. Quid ergo est, quod in ipsis reprehenditur? Nempe hoc, quod mathematicorum rationem neque intellexerunt, neque in philosophia adhibuerunt. Quid vero? si

IV

ostendero, eos, quae sit mathematicae rationis vis, longe melius, quam hi nostri eius admiratores, intellexisse, et suo loco vfos esse: tamenne pergemus hanc in ipsos culpam conferre?

Atque ut ab illo incipiam: quomodo potest hoc vlli in mentem venire, ut dicat, veteres philosophos mathematicorum in demonstrando rationem ignorasse, quam ab iis et explicatam subtiliter et diligenter commendatam scimus. Plato quidem cum non solum fuerit summus ipse mathematicus, et multa in Geometricis acute excogitarit,^{a)} sed etiam illam Analyticam methodum inuenerit, qua proposita quaestio ad sua redigitur principia,^{b)} valde vsitata illa optimis mathematicis, sane mathematicam methodum optime perspectam habuerit necesse est. An vero obliti sunt isti veterum reprehensores, a se interdum, commendandae mathematicae rationis causa, hoc etiam commemorari, Platonem, titulo in scholae foribus posito, eos aditu prohibuisse, qui Geometriae expertes essent, quod ea discenda praeparandos ad philosophiam animos putaret. Si ergo nulla alia de causa voluit Geometriam disci, nisi ut, quemadmodum illi quidem, nescio an satis vere, distitant, mathematicae ἀπὸδείξεως ratio cognosceretur, et qua via modoque in rebus inueniendis explicandisque progrediendum esset; quomodo ipse eam potuit ignorare? Nam Aristoteles, cum is sit, qui non minus Platone doctus artibus mathematicis fuit, quique vnus omnium acutissime diligentissimeque de mathematica demonstratione scripsit, non potuit sane Geometricae methodi imperitus esse. Nam ἀπὸδείξις illa ἀπλῶς λεγομένη, de qua duobus Analyticorum posteriorum libris scripsit, non est sane alia, quam quae mathematica dicitur. Quid vero? Ciceronem, qui mathematicae rationis hanc vim esse dicit,^{b)} ut non persuadeat, sed assentiri cogat: qui potuit iudicare, quid esset mathematicorum ratione conclusum,^{c)} hunc igitur Ciceronem poterimusne sine iniuria mathematicae methodi iugiter dicere

a) Plutarch. de Genio Soc. p. 579. ed. Wich.
b) Laert. III, 24.

b) Acad. IV, 35.

c) Fin. V. 4.

dicere? Alios praetereo lubens. Cognitum hoc omnibus et ita vulgatum antiquis temporibus fuit, geometricas demonstrationes esse optimas, vt, potentissimum demonstrandi genus *γραμματικὴ ἀπὸδείξις* vocaretur, ^{d)} et eius quoque percipiendae nomine geometriae studium commendaretur. Est ergo totum hoc, quod de ignorata veteribus philosophis mathematica ratione dicitur, confictum et falsum, neque vlllo modo in iis haerere potest.

d) Quint. 1.10.

Sed erunt, qui hoc magis eos reprehendendos dicent, quod, cum mathematicam rationem perspectam habuerint, tamen ad eius normam conclusiones disputationesque suas non direxerint, iisque accidisse id, quod multis quoque nunc eueniat, vt, quanquam geometricas demonstrationes et perceperint, et ipsi possint excogitare in rebus mathematicis, idem tamen in philosophia aut theologia praestare nullo modo possint. Quo in genere solent nonnulli Britannos quosdam geometras ponere. Sane non sum is, qui neget, aliud esse capere demonstrationum vim, aliud ipsum demonstrationes facere, et, si quis illud possit, non esse consequens, vt hoc quoque: quemadmodum, qui calceis habilibus utitur, non propterea ipse facere potest. Verum idem etiam illud contendo, non inuitis, vt opinor, iis, quibus cum disputo: Si quis ingenium, inprimis dextrum et acutum, demonstrationibus cognoscendis iudicandisque diligenter subigat; deinde vero accedat ad hanc exercitationem diuturnus rerum philosophicarum vsus: non posse fieri, quin etiam in hoc genere *ἀποδείκτικὸς* euadat; siquidem genus ipsum sit hac conditione atque natura, vt illam geometricae demonstrationis subtilitatem capiat. Quid autem dicemus diuinis illis, quos diximus, hominibus defuisse? Ingenium? quod fuit in iis tantum, vt maius in homine vix animo concipere possimus? Demonstrationum cognoscendarum iudicandarumque exercitationem? Ea vero paullo ante ipsis idoneis rationibus est vindicata. Rerum philosophicarum vsus? in quibus illi omnem

VI

propemodum vitam consumserunt. Quid ergo relinquitur? Hoc, opinor, ut aut ipsi quoque, cum res ferret, ἀποδεικνύει fuerint, aut quia res in philosophia facultatem non semper habet, esse ubique noluerint.

Iam quoniam, hoc quale sit, nisi mathematicae rationis vis atque natura explicetur, iudicari non potest; age, quam breuissime fieri enucleatissimeque potest, eam declaremus. Atque in eo si horum, a quibus maxime laudatur, sententiam vellemus auctoritatemque sequi; auderemus sane hoc nobis demonstrandum sumere, nullum esse philosophiae locum, quem quidem veteres philosophi attigerint, qui non mathematica ratione ab iis tractatus reperiatur. Nam quantum ego, qui plurimum temporis quondam in horum mathematicorum philosophorum libris legendis consumsi, quantum igitur assequi potui, mathematicae rationis hanc vim faciunt, ut a bonis definitionibus aliisque enunciatis veris et sine argumento concedendis profecta oratio per legitimos syllogismos, si quidem pluribus opus sit, siue ex formula positos, siue ad formulam facile redigendos decurrat, donec insistas in eo, quod quaerebatur. Quae si est mathematica ratio, non sane discrepat ab ea, quam Socrates apud Platonem et Xenophontem ^{e)} commendat, quae ipse cum his duumiris et ceteris, qui quidem in aliquo numero fuerunt, philosophis usus est. Nam μαθηματικοὶ illi dialogi Socratici apud Platonem et Xenophontem, quomodo hoc possent tueri nomen, nisi hac via et ratione progredirentur. Aristoteles porro, summus bonae methodi auctor, quid aliud, nisi hoc ipsum, secutus est? Ciceronem vero quomodo possumus huius praecepti immemorem dicere, cuius vel vnum de officiis librum primum eius rationis illustrissimum exemplar habemus: in quo ille primum officii definitione et distributione proposita, deinde constitutis principiis verissimis, ex hominis natura haustis, singula officia ita persequitur, ut quaecunque ille tradit, si tan-

e) Mem. Socr.
IV, 6. 14.

tanquam carne resecta, velis ossa aperire, facile ad syllogismorum legitimorum formulam reuocare possis? Quid ergo? omnes isti philosophiae locos mathematica ratione tractarunt? Non opinor. Neque ipsi hoc facere voluerunt, neque, si in vitam redeuntes interrogarentur, hoc se fecisse dicerent. Nempe, non sufficiunt ista, vt aliquid mathematica ratione explicatum dici et conclusum possit. Demonstrationes ea ratione efficiuntur, si verbum capias paulo latius, vt saepe apud veteres factum videmus: ^{f)} subtilissimae illae et potentissimae, quae mathematicae dicuntur, non item.

f) vid. v. c. Cic. Acad. IV, 8. Sext. Emp. Hyp. Pyrrh. II. 12. et ipse Aristot. v. Menagius ad Laert. p. 283.

Dicit aliquis: quid? tu aliquid amplius, quam quod supra positum est, in definitione nostrorum philosophorum ad mathematicam rationem requiris? Requiri sane. Quid tandem? Dicam, quam breuissime potero. In omni conclusione satis constat tria haec inesse: primo, principia; deinde concludendi modum; denique conclusionem ipsam, iam, de principiis, vt alia taceam, de quibus ab Aristotele praecipitur, illud in mathematica ratione inprimis spectandum est, vt sint absolute necessaria aeternaeque veritatis. Eiusdemmodi conclusio quoque sit necesse est. Concludendi denique modus hoc debet habere ipsum. Ex his tribus haec duo inprimis diligenter velim teneri, vt principia necessaria sint, et absolutam necessitatem habeat in concludendi ratione consecutio, siue conclusionis cum principiis connexio. Nam si haec duo sint, tertium, vt conclusio sit necessaria, sua sponte efficitur. Vultis harum rerum auctores? Habeo locupletissimos. De principiis audi Aristotelem: ^{g)} ἐξ ἀληθῶν μὲν γὰρ ἐστὶ καὶ μὴ ἀποδεικνύνται συλλογισσάμεθα, ἐξ ἀναγκαίων δ' ἐκ ἑστίν ἀλλ' ἢ ἀποδεικνύνται. h. e. Nam e veris principiis concludere potest etiam qui non demonstrat, e necessariis autem vultus ille, qui demonstrat. item: ^{h)} ἡ ἀποδεικτικὴ ἐπιστήμη ἐξ ἀναγκαίων ἀρχῶν: scientia ea quae ex demonstratione oritur, ducitur a principiis necessariis. Atque idem pluribus ille locis docet;

Anal. Post. I. 6. 3.

Anal. Post. I. 6. 1.

VIII

i) Anal. Post.
L 32, 7.

k) L. c.

cet: i) Iam exemplo rem illustremus. *Si dies est, lucet: sed est dies: Lucet ergo.* Haec conclusio in exemplis demonstrationis apud Sextum Empiricum k) profertur. Propositio est vera non modo, sed etiam necessaria. Assumptio porro, quo tempore hoc scripsi, erat vera. Ex his denique duobus principiis recte ducta est conclusio. Est ergo mathematica demonstratio? Nullo modo. Nam illud alterum, quod sumitur, etsi verum fuit, tamen non fuit necessarium. Itaque etiam conclusio, etsi erat vera et certa, ut de ea dubitare nullo modo possem, tamen necessaria non erat. Videant ergo quid faciant, qui hodie in numero axiomatum, quae quidem sunt principia demonstrandi, non modo vera, sed etiam absolute necessaria, etiam ea ponunt, quae, quia per sensum in animos nostros illabuntur, et sine argumento propterea conceduntur, quanquam veritatem; tamen non necessariam habent, deinde vero multas ab his ductas conclusiones pro mathematica ratione demonstratis venditant.

l) Fin. V. 4.

Veniamus ad alterum demonstrationis attributum, cuius haec vis erat, ut modus concludendi sit necessarius et conclusio cum necessariis principiis necessario quodam vinculo coniuncta. Eius rei auctorem praeter alios habeo Ciceronem, l) qui *rationem concludendi mathematicorum necessariam* vocat. Iam quoniam conclusionis modus, id quod facile intelligitur, imitatur modum, quo res natura sua inter se coniunctae sunt; efficitur, ut, quae res non sunt natura sua necessario vinculo coniunctae, earum etiam altera non possit ex altera, ratione necessaria colligi. Itaque si vel maxime conclusionis modus speciem necessitatis habeat, tamen necessarius non est. Atque in eo facillime labi possumus. Certum est, ut hoc utar, et necessarium, ut mens divina omnes mundos possibiles cognitos habeat, et, quantum alius alio praestet, intelligat. Est enim, ut philosophi loquuntur, de essentia dei. Non minus autem proprium est essentiae divinae, ut eius voluntas bonum, pro sua cuiusque magnitu-

gnitudine, appetat. Quid ex his philosophi nostri colligunt? hoc scilicet, ut hic mundus, quia sit a Deo, optimus sit, qui quidem esse potuerit: idque non dubitant mathematica ratione conclusum dicere. In quo mihi videntur vehementer errare. Nam si vel maxime concedamus, vere hoc conclusum esse; tamen necessaria ratione conclusum negamus. Quare? Quia cum principiis illis, quantumvis necessariis, tamen actio mundum optimum creantis dei non est absoluta necessitate coniuncta. Nam si hoc esset, efficeretur sane, ut et ipsa actio dei fuisset necessaria, et mundus hic ipse absolute necessarius esset: quo posito, omnis in deo libertas, in mundo autem contingentia tolleretur. Quod si enim absolute necessarium est, ut hoc utar, in omni triangulo plus uno recto angulo esse non posse, quia ex eo, quod omnes anguli duorum rectorum summam explent, id quod ipsum absolute necessarium est, necessaria consecutione efficitur; quomodo non absolute necessarium fuisset, ut Deus hunc mundum crearet, et quomodo mundus ipse adeo non necessarius esset, si hoc, Deus mundum optimum creavit, necessaria h.e. mathematica ratione colligi potest?

De conclusione, restat, ut dicamus. Eam vero absolute necessariam esse, aeternamque veritatem habere oportere in geometricis demonstrationibus, auctor est idem quem supra laudavi, Aristoteles. Ἡ ἀποδείξις ἐστὶ τῶν ἀναγκαίων, ὅτι ἐκ ἐνδεχόμεναι, ἀλλ' οὐκ ἔχειν, εἰ ἀποδεδεικται ἀπλῶς: demonstratio cadit in res necessarias, quia non potest fieri, ut aliter se res habeat, si quidem simpliciter est demonstrata. ^{m)} Item alio loco: ἐπεὶ δ' ἀδύνατον ἄλλως ἔχειν, ἢ ἐστὶν ἐπιστήμη ἀπλῶς, ἀναγκαῖον ἂν εἴη τὸ ἐπιστητὸν τὸ κατὰ τὴν ἀποδεικτικὴν ἐπιστήμην. i. e. quia autem repugnat aliter se habere, quod simpliciter scimus, necessarium profecto est omne id, quod scitur scientia ea, quae ex demonstratione orta est. ⁿ⁾ Quid ergo ex hoc sequitur aliud, nisi, ut in rebus iis explicandis, quae sunt fluxae, habentque mutabilem naturam, quae temporibus, locis, personis variari possunt, ratio mathematica locum habere nullo modo possit.

Ceterum, cum satis, pro instituto, vis demonstrationis absolutae, in qua scilicet ratio mathematica ita versatur, ut sine ea cogitari

m) Metaph.
IV, 5.

n) Anal. Post
I, 4.

gitari et esse non possit, e veteribus scriptoribus declarata videatur; in promptu erit iudicare, in quibus disciplinis ea locum habere possit. Ac Theologiam quidem eam, quae est Christianis propria, (nam de naturali postea dicetur) a demonstratione mathematica valde abhorrere, quis non intelligit? Nam primo, ab interpretatione ducitur, cuius veritas, vtut ad sensum nostrum, in primis diuina luce accedente, certissima esse possit, tamen absolutam necessitatem illam, quam in philosophia dicimus, id quod facile intelligitur, habere non potest. Deinde, summa eius capita ipsa, tanquam, homines primos sua culpa felicitatem suam perdidisse, ab iisque ad omne genus humanum corruptionem quandam totius naturae fluxisse: Deum humanae miseriae misertum esse: filium suum humana carne vestiisse: eum mortuum post triduum ad vitam rediisse, in coelumque sublimem abiisse: haec, inquam, et reliqua omnia, non sunt absolutae et mathematicae illius, de qua loquimur, necessitatis, sed partim culpa liberi hominis acciderunt, partim liberrima dei voluntate sunt constituta. Iam, ius ciuile, in quo ipso plurimum interpretatio valet, cum ab arbitrio summae potestatis profectum sit, cum in eo multa locis, temporibus certis et personis sint, prout visum, accommodata, rebusque per naturale ius liberis, pro arbitrio, certus modus, forma, locus attributus, atque totum adeo sit mutabile, varium, in multisque incertum: quomodo potest mathematicae rationis necessitatem capere? Quanquam quid de his disciplinis attinet dicere, cum de philosophia tantum disputatio sit instituta? Hanc ergo esse eiusmodi, vt non vbique mathematicae rationis subtilitatem ferat, adeoque non esse sub eius leges cogendam, recte veteres illi philosophorum principes viderunt, eoque nomine, quod non de omnibus rebus methodo mathematica scripserunt, non modo non vituperandi sunt, sed etiam laudandi. In ea quidem parte, quae est *περί τῆς ὀν-
της*, quia tota est, vt ipsa mathesis, necessaria, fateor mathematicam demoostrandi rationem adhiberi posse, et esse ab ipso Aristotele adhibitam, facile, qui metaphysicos libros legerunt, concedent

dent. *) Esse etiam quasdam theologiae naturalis, iurisque natu- *) Cic. Fin. V. 4.
rae, fortasse physices quoque, particulas arbitror, in quas cadat ista
ἀποδείξις; in vniuersas disciplinas nullo modo. Sed audiamus
hanc rem egregie demonstrantem Aristotelem ὁ in meta- ο) II. 1.
physicis, vbi de optimo docendi modo agit. οἱ μὲν ἔν, in-
quit, ἐὰν μὴ μαθηματικῶς λέγει τις, ἔκ ἀποδεχόντων τῶν λεγόντων.
οἱ δὲ etc. Τὴν δ' ἀκριβολογίαν τὴν μαθηματικὴν ἐκ ἐν ᾧ πᾶσι ἀπαι-
τητέον, ἀλλ' ἐν τοῖς μὴ ἔχουσιν ὕλην. i. e. Alii quidem, nisi quis in
dicendo mathematica ratione utatur, non audiunt eos qui discunt,
alii contra etc. Sed subtilitatem mathematicam non in omnibus
postulare, debemas sed in iis rebus, quae nullam habent materiam.
De philosophia morum similia tradit. Nam de methodo eius sic p) ad Nicom.
differit: p) λέγοιτο δ' ἂν ἰκανῶς, εἰ κατὰ τὴν ὑποκειμένην ὕλην διασα-
φηνεῖται. Τὸ γὰρ ἀκριβὲς ἔχει ὁμοίως ἐν ᾧ πᾶσι τοῖς λόγοις ἐπιζητη-
τέον - Ταῦτά δὲ καὶ τὰ δίκαια, περὶ ὧν ἡ πολιτικὴ σκοπεῖται, τοσαύ-
την ἔχει διαφορὰν καὶ πλάτην, ὥστε δοκεῖν νόμον μόνον εἶναι, φύσει δὲ μή.
Τοιαύτην δὲ τινὰ πλάτην ἔχει καὶ τὰ γεγραμμένα, διὰ τὸ πολλοῖς συμβαί-
νειν βλαβερὰ ἀπ' αὐτῶν. ἤδη γὰρ τινες ἀπώλοντο διὰ πλεον, ἕτεροι δὲ
δι' ἀνδρείαν. ἀγαπητὸν ἔν περὶ τοιούτων καὶ ἐκ τοιούτων λέγοντας πα-
χυλῶς καὶ τύπω τ' ἀληθὲς δεικνύσθαι - τὸν αὐτὸν δὲ τρόπον, καὶ ἀπο-
δέχεσθαι χρῆσιν ἕκαστον τῶν λεγομένων. πεπαιδευμένοι γὰρ ἐσιν, ἐπὶ το-
σούτῳ τ' ἀκριβὲς ἐπιζητεῖν καὶ ἕκαστον γένος, ἐφ' ὅσον ἡ τῷ πράγματι
φύσις ἐπιδέχεται. παραπλήσιον γὰρ φαίνεται μαθηματικῶς τε πιδανολο-
γῶντος ἀποδέχεσθαι, καὶ ῥητορικῶν ἀποδείξεως ἀπαιτεῖν. Satis autem
explicata erit, si pro subiectae materiae ratione explicabitur.
Nam subtilitas non in omni genere differendi quaerenda. - -
In rebus autem honestis et iustis, de quibus in politicis agitur,
tanta est dissensio et varietas, ut videantur lege non natura con-
stitutae. Huiusmodi obscuritas et inconstantia est etiam in re-
bus bonis, quia multis mala ab ipsis eueniunt. Iam enim qui-
dam interiere per diuitias, alii per fortitudinem. Satis igitur
est de his et ex his disputantem minus subtiliter et quasi pin-
gui minerua verum ostendere. - - Similiter oportet sic dicta ac-
cipere. Est enim hominis recte instituti atque intelligentis tan-

XII

tum in quoque genere subtilitatis postulare, quantum rei natura patitur. Pariter enim absurdum foret, si quis ab oratore demonstrationem postulareret, ac si persuasionem a mathematico. Plato

9) c. 13.

porro in Timaeo⁹⁾ a philosopho requirit *εἰκότας λόγους*, minime mathematicam subtilitatem, quod illi sint philosopho proprii, nisi si, ut mathematicus, loquatur *περὶ τῶν νοητῶν καὶ ἐξώσης ἑσίας*. Nam cum in omni ratione cum iis rebus, de quibus explicetur, debeat esse cognatio, effici, ut, cum de re stabili et immutabili disputetur, oratio talis sit, qualis sit illa, hoc est, quae neque redargui neque convinci possit; cum autem de ceteris, fluxis et mutabilibus agatur, tantum probabilis oratio requiratur; Itaque etiam Proclus¹⁾ mathematici viri dicit esse, videre, ut *κατὰ τὴν ὑποκειμένην ὕλην ποιῆται τὰς ἀποδείξεις*: *demonstrationes faciat tales, quales res subiecta patitur*, saepeque homines imperitos in eo peccare, *οἰομένους ἀποδεικνύειν μαθηματικῶς, ὃ μὲν τοῖ καὶ δεικνύσας*. sic, verbi causa, negat esse mathematici, demonstrare: *circulum esse pulcriorem linea recta*; quod ea res mathematicae demonstrationis subtilitatem non capiat: eumque, qui hoc iudicare non possit, ubi mathematica demonstratio locum habeat, nec ne, indignum esse mathematici nomine putat. Iam eat mihi aliquis, et veteres philosophos neglectae methodi mathematicae nomine reprehendat, aut eos, qui de iure respondent, quod mathematicam in respondendo subtilitatem non adhibeant, et similiter ceteros, qui aut in rebus incertis, aut saltem non absolute necessariis versantur.

ad Euclid.
10. ed. Basil.

Sed quoniam video, nonnullos ad commendandam mathematicam in philosophia subtilitatem abuti auctoritate veterum philosophorum, non alienum erit a nostra disputatione, hanc quoque temeritatem reprimere. Plato nolebat, aiunt, *ἀγνομεν* *την* *σοφίαν* *ἐχεν*, qui mathematicam non percepisset.¹⁾ Et huius generis similia apud veteres reperiuntur. Quae ergo ratio fuit, cur ista dicerent, et quorsum mathematicas disciplinas ante philosophiam

Laert. IV, 10.

philosophiam disci voluerunt, si ex iis ratio modusque demonstrandi non est petendus. Nam ipsa quidem θεωρήματα, nisi fortasse in physicis, in philosophia adhiberi non possunt. Est vero aliquid praeter haec duo, propter quod geometriam ante philosophiam disci voluerunt; idque adeo ex eo poterat intelligi, quod Xenocrates ἀγεωμέτερον quendam a se abigens, hanc rationem adiecit: *πέκον γὰρ ἔκναπτω* i. e. *lanam non carmino*. ¹⁾ Iam quomodo ingenium, tanquam lana, carminatur h. e. purgatur? Nempe, non methodo mathematica discenda, auctoribus veteribus philosophis, inprimis Pythagoraeis et Platonicis, quanquam nec hoc negligendum est, sed animo paullatim a rebus sensibilibus auocando, et ad res intelligibiles contemplandas percipiendasque traducendo. Nam cum hoc sit, ut Cicero vere ait, veritatis cognoscendae impedimentum vel maximum, quod plerique animum a sensibus auocare non possunt; existimabant eius rei facultatem consecuturos adolescentes, si animum geometria discenda subigerent. Nam etsi figurae, in quarum dimensionibus versatur, ad sensus pertinent: tamen, quae de iis demonstrantur, et modus, quo quaeque intelliguntur, non sensu cognoscuntur, sed mente: *ἐν αἰσθητῶ ἐῖσι, ἀλλὰ νοητῶ*, ait Proclus. ²⁾ Oculus videt ille quidem trianguli latera et angulos, sed eos summam duorum rectorum explere, et subtensoe quadratum in rectangulo reliquorum laterum quadrata aequare, non videt, sed mens intelligit. Itaque etiam, ut recentiores mathematici Ramum, sic Plato eos mathematicos, qui, ut faciliorem geometriam discitibus redderent, eam instituebant ad sensus reuocare, valde reprehendebat, quod ita maximam eius vim utilitatemque tollerent. ³⁾ Age vero huius rei auctores et testes producamus quosdam. Primum autem habeo, et summum, Platonem ipsum, qui in septimo de republica libro, ⁴⁾ matheosos commendationem ingressus, primo arithmetica commendat, *ὅτι περὶ τέτων λέγουσιν ἀριθμητικοί, ἂν διανοηθῆναι μόνον ἐγγραφεῖ, ἄλλως δ' ὁδοῦ μετὰ χειρὸς ὁδοὶ δοκῶσι*: quia de his differunt arithmetici, quae intelligere

Laert. l. c.

u) l. c.

x) Plutarch. Sympo. VIII.

y) p. 439. E. Baf.

XIV

2) p. 440.

tantum licet, aliter autem tractari non possunt: Deinde, quia, hanc ipsam ob causam, ea disciplina ²⁾ προαναγκάζει αὐτὴ τῇ νοήσει χρῆσθαι τὴν ψυχὴν ἐπ' αὐτὴν τὴν ἀλήθειαν, h. e. *cogit mentem uti intelligentia in veritate quaerenda*. Paria de geometria dicit, et de astronomia; sed arithmeticae tamen videtur principatum tribuere, quod purius et simplicius obiectum habeat. Atque ab hoc fonte id hausērunt ceteri, qui mathematicas artes commendarunt, Iamblichus, ^{a)} Theon, ^{b)} Asclepius Trallianus, ^{c)} Proclus; ^{d)} aliique. Est in Plutarchi symposiacis ^{e)} disputatiuncula quaedam de eo, cur Plato dixisset: Deum ἀσχετομετρεῖν; in qua ostenditur, eo dicto nihil aliud innui, nisi hoc, quod saepe laudans geometriam scripsisset, ea nos a sensibus, quibus nimis duceremur natura, abduci, et ad rerum aeternarum, et sola mente percipiendarum contemplationem conuertere, in quo summa philosophiae inesset: nam illum voluptatis dolorisque quasi clauum, quo corpori esset affixus animus, id mali maxime asferre, quod efficiat, ut ea, quae sensus pellunt, clariora videantur his, quae sola mente contuemur. Cum vero in omnibus mathematicae disciplinae partibus impressa sint veritatis intelligibilis et aeternae vestigia quaedam et simulacra, maxime in geometria, quae sit auctore Philone, reliquarum quasi metropolis; iis intelligendi vim repurgari paulatim et a sensibus auocari. Quae cum ita sint, non est sane existimandum, istam mathematicarum disciplinarum commendationem ad methodum mathematicam potissimum pertinuisse, eamque aliter, quam hodie vulgo fit, intelligendam esse appareret.

Ac ne quis fortasse hoc nomine indignetur, ἀκριβολογίαν mathematicam non ubique adhibendam esse, quod ita incerta sit rerum scientia, quam certam effici velit; huic quoque siue errori, siue dolori occurremus. Sane, si quis illud subtilissimum certi genus, quod geometriae proprium est, desideret; non potest id sine illa, de qua diximus, mathematica ratione existere. Sed, ut taceam, non esse quaerendum id ac postulandum, quod fieri non

- a) In Nicomach. Genet. Arith. p. 2. ed. Tennul.
- b) in mathem. Platon. p. 19.
- c) in Nicom. Genet. Arith. ap. Bulliald. ad Theon. p. 193.
- d) ad Euclid. p. 5.
- e) VIII, 2.

non potest: illud velim mihi dicatur, an inde aliquid incommodi oriatur? Qui certam rerum cognitionem quaerunt, hoc agunt, ut dubitationi praecludant aditum, ut ad illam assensionis firmitatem perueniant, in qua plane potest acquiescere animus. Atqui hoc etiam sine mathematica demonstratione adsequi licet. Scilicet, ut mihi quidem videtur, magis hic est ille internus animi sensus spectandus, qui ex assensionis firmitate exoritur, quam illa subtilissima demonstrandi lex. Ad meum quidem sensum, quo moueor, cum Caesarem Idibus Martiis in curia Pompeia interfectum esse, et innumerabilia alia eiusmodi audio, lego, cogito, non minus illa certa sunt, quam hoc, quod necessaria conclusione efficitur, angulos ad basin in triangulo aequicruro esse aequales. Interpretatio non potest mathematice certa esse. Quid ergo? non propterea in plerisque interpretandis eodem modo, ut in demonstrandis geometriae theorematibus, afficimur? Quid de doctrina Christiana dicam? An tu putas, qui pro ea vitam cum acerbissimis cruciatibus posuerunt, minus firma ratione ei assensus esse, quam mathematici suis decretis? qui eius promissis confisi, mortem cum certa aeternae felicitatis spe subeunt, aut per omnem vitam res humanas despiciunt, eisne aliquid ad certitudinem summam deesse existimas? Si illum igitur certi sensum etiam sine mathematica demonstratione consequi possumus; quid est, quare disciplinarum fines confundere, et, quod fieri non potest, frustra quaerere instituamus, ac committamus, ut ἀκριβολογία illa mathematica perfequenda, ad incertam aliquam μικρολογίαν delabamur, quam omnia paullo liberaliora et elegantiora ingenia respuant necesse est? Quare hoc agant potius adolescentes, ut veterum philosophorum prudentiam, elegantiamque in discernendo imitentur, quam cum recentioribus inanem subtilitatis speciem amplectantur.

Haec

XVI

Haec fere mihi veniebant in mentem, cum nuper Cicero-
nis de Finibus bonorum et malorum libros legens in illum,
quem supra commemoravi, locum incidissem. Ad eos autem
legendos hoc tum consilio accesseram, ut inde siluulam ali-
quam oratiunculis congererem, quas quidam disciplinae nostrae
alumni sub discessu e nostra disciplina, pro more, recitare con-
stituerant. Ecce Tibi eorum nomina, eo posita ordine, quo
ad dicendum procedent:

FRIEDLIEB KOENIG, Delicianus.

IVSTVS FRIEDERICVS GVNZ, Koenigst.

IO. CHRISTIAN. DIETEL, Falckenh. Misn.

GODOFRED. SAMVEL ASTER, Oßficienß.

CHRISTIAN. BECK, Baalsdorff. Misn.

IO. ERNESTVS TEVBNER, Lipsiensis.

CAROLVS CHRISTOPH. FOLGER, Beerendorf.

IO. GOTTLOB HOFMANN, Lipsiensis.

IO. AVGVST. BACH, Hohndorff. Misn.

Ad hos audiendos, ut, quos et ipsi, et schola nostra, Patronos
Fautoresque habent, si per cetera negotia licet, conuenire ve-
lint, ea, qua decet, pietate et humanitate rogo.

